

欽定大清會典事例

欽定大清會典事例卷三百十五

禮部

授時

頒朔 進春

頒朔○凡

頒朔之禮。歲以孟冬一日。頒來歲十有二月之朔。屆

期。鴻臚寺欽天監官設黃案一於

午門外正中。設紅案二於

午門外兩旁。欽天監堂中設香亭一。龍亭一。左右  
綠亭八。樂部和聲署陳樂於香亭前。黎明監正  
率所屬官朝服奉恭進。

皇帝

皇太后

皇后

皇貴妃

貴妃

妃

嫡時憲書於龍亭。奉頒給王以下各官時憲書於  
絲亭。各行一跪三叩禮畢。鑾儀校以次昇行。香  
亭在前。龍亭在中。絲亭在後。儀仗及鼓吹前導。  
和聲署導迎樂作。奏禧平之章。由

長安左門入。至

午門外亭止。欽天監官奉恭進

皇帝

皇太后

皇后

皇貴妃

貴妃

妃

嬪時憲書於所設正中黃案上。奉頒給王以下各  
宮時憲書於所設兩旁紅案上。陳設畢。欽天監

官二員舉黃案由

午門中門入。二人前引。監正監副從至。

太和殿陳於左右階上。監正等於丹墀左行三跪。  
九叩禮畢。內務府掌儀司官奉時憲書至。

乾清門

慈寧門授內監恭進

皇帝

皇太后

皇后其

皇貴妃

貴妃

妃

嬪時憲書交各宮內監禮成欽天監官撤黃案出。

是日黎明諸王貝勒貝子公以暨文武百官咸

朝服集

午門外東西闕下禮部司官帶領朝鮮國陪臣祇  
候鴻臚寺鳴贊官二員進立於甬道左右糾儀  
御史二員禮部司官二員進立於鳴贊之北皆

東西面宣

制鴻臚寺官一員立糾儀官之北西面鳴贊贊齊班

鴻臚寺官引親王郡王貝勒貝子公按翼立於  
甬道內。引文武百官序立於甬道左右。皆北面。  
東班西上。西班東上。贊進皆進。贊跪皆跪。贊宣  
制。宣

制官宣

制曰。某年時憲書頒給衆官。曉諭天下。宣畢。贊叩興  
衆行三跪九叩禮。興退禮畢。乃將所設紅案上  
時憲書頒給王公及文武各官。親王郡王貝勒  
貝子公各依次跪領。八旗及部院府寺監衛各  
官皆依次跪領。各退。鴻臚寺官引朝鮮國陪臣

至班末。贊進陪臣詣甬道旁立。贊跪叩興。三跪九叩禮畢。奉時憲書授陪臣。陪臣祇受如禮。其直省布政使司各給欽天監時憲書印儲於庫。歲四月。欽天監以奏准來歲時憲書式頒各布政使司刊刻成書。鈐以所儲監印。孟冬月彙送督撫署。督撫設香案陳時憲書。禮生引贊率所屬文武官朝服望。

闕行三跪九叩禮。祇領訖。布政使司迺分發專城之道府。轉行所屬州縣分駐之提鎮。轉行所屬標營。到日行禮祇領。均與會城同。迺頒布民間。

山陬海澨無有不徧偽造者論如律外藩蒙古部落內外札薩克諸邊番夷由驛給發○順治二年時憲書成欽天監進呈

御覽。

世祖章皇帝御武英殿頒朔於

午門外文武各官朝服祗俟行禮○又題定每年十月初一日黎明欽天監官設黃案於

午門外正中設紅案於

午門外兩旁欽天監自署內設龍亭一綵亭八奉

恭進

皇帝

皇太后

皇后時憲書於龍亭。奉頒給王以下各官時憲書於  
綠亭。陳設畢。行一跪三叩禮。校尉昇亭。前設香  
亭。和聲署作導迎樂。出欽天監署。自

長安左門進至

午門外。欽天監官奉恭進

皇帝

皇太后

皇后時憲書。陳正中黃案上。奉頒給王公百官時憲

書陳兩旁紅案上。陳設畢。舉黃案由中門入。欽天監監正監副從隨至。

太和門陳於左右階上。監正等於丹墀左行三跪九叩禮。授內府官奉時憲書入恭進。

皇帝

皇太后

皇后欽天監官撤案各退。是日黎明。貝子公暨文武百官咸朝服集。

午門外鳴贊官贊排班。貝子公立甬道上。百官立甬道兩旁。均北面東班西上。西班東上。贊有

制衆皆跪鴻臚寺官宣

制曰欽天監進某年時憲書其賜王公百官頒行天下宣畢羣臣行三跪九叩禮畢親王郡王俱各令所屬依次跪領貝勒貝子公親跪領文武官各以其長一人跪領回署頒給所屬官各退○十八年定朝鮮國每年十月朔遣使齎咨赴部恭領時憲書豫劄欽天監封送儀制司本司郎中朝服於司署頒發來使跪領齎回本國○康熙三十二年定

頒時憲書於內札薩克科爾沁等二十四部落均以

各來使請

安之便。按名給發。○五十三年定。

頒時憲書於外札薩克喀爾喀等十有五部落與科爾沁等部落同。○雍正三年定。

頒時憲書於青海札薩克王台吉。於每年給俸幣時同發。○七年議准。欽天監每年給發各該衙門時憲書外。聽匠役備紙刷印售賣。以便民用。今各省布政使司亦照例自八年為始。每歲四月由欽天監頒發考定時憲書式令各布政使司敬謹刊刷。鈐蓋庫儲欽天監時憲書印信。凡現

任文武大小官及在籍有職官舉人貢生等各給一本。以彰教授人時之意。其刊刻紙墨工價各動用正項錢糧。至於各省民戶繁多。勢難編繪。應將所刻書版發存公所。聽匠役或書坊備紙刷印。赴布政使司鈐蓋欽天監時憲書印發賣。每本定價一分二釐。俾深山僻壤咸知時序月令。仍飭該地方官嚴禁偽造。務使官書廣布。以便民用。如有偽刻私書。及捏稱繳官。於定價外需索等弊。將該有司從重治罪。督撫如不察究。嚴加議處。○十二年覆准。每逢

頒朔之日。八旗都統各部院堂官各率所屬並諸王

府祇領屬官咸朝服祇俟

午門外行三跪九叩禮御史二人監禮部委滿漢司官二人收職名如有公事不克親赴豫行知會其無故不到及不朝服行禮者指名參處務恪遵定制整齊敬謹以光大典至頒給百官時憲書三品以上官仍於

午門外祇領其餘滿漢文武有頂戴官員萬三千餘人一時難以徧給照例於

午門外行禮後各赴欽天監祇領○乾隆二年覆

准。散給青海札薩克王台吉等時憲書先期於  
每年十月將次年時憲書由兵部交驛站發往  
青海散給。○十六年奏准孟冬

頒朔由欽天監豫日行丈至期貝子公以下至文武  
正貳各官咸朝服祇俟依次跪領恭俟宣

制行三跪九叩禮如有無故不到者糾儀御史於次  
日參奏照無故不朝參律議處至直省時憲書  
頒到之日督撫亦應有接受之儀俟酌定後纂  
入會典通禮頒發遵行。○十九年定孟冬

頒朔午門親王郡王貝勒令親領行禮。○是年。

頒時憲書於杜爾伯特部落與喀爾喀部落同。二

十年奉

旨。準噶爾諸部盡入版圖。其太陽出入節氣時刻。宜載入時憲書。頒賜正朔。以昭中外一統之盛。○二十二年。覆准。增黑龍江。吉林。伯都訥三姓。尼布楚。太陽出入節氣時刻。載入時憲書。○又覆准。伊犁等蒙古部落。並巴里坤。吐魯番二十處。太陽出入節氣時刻。增入時憲書。一例頒發。○二十五年。奏准。改正三元甲子萬年書。遵照。

御製歷象考成後編。自乾隆元年丙辰起。推算百年。照

時憲書推算編造遵

旨以干支書寫增入。其節氣亦照時憲書內式樣書寫。  
○是年由欽天監將新增回部二十六處時憲

書式樣遵

旨改正頒發。○三十二年

諭時憲書內月令冬至麋角解著改麇角解。○三十五

年正月

諭著交欽天監自乾隆三十六年辛卯為始於一歲下添書六十一年仍依干支以次載至一百二十歲。

三十七年奏准添入土爾扈特和碩特等二十

四處。北極高度及偏西度。○三十八年。遵

欽定清漢對音字式。改正時憲書內所載地名。○四十  
年奏准。時憲書內增刻安徽湖南甘肅三省。北  
極高度及偏東西度。○四十二年奏准。新增兩  
金川及各土司地名。北極高度及偏西度俱載  
入時憲書內。○五十一年。欽天監遵

旨續辦三元甲子萬年書。自乾隆一百一年至二百年。  
於五十二年十一月內告竣進呈。○五十四年  
奏准。安南照朝鮮之例。以北極高度及偏西度。  
載入時憲書。○五十八年奉

旨朕於六十一年歸政嗣皇帝是年改元所有時憲書後紀年篇頁進呈宮中及頒賜阿哥王子一品大臣者勻刻三頁第一頁首行書嗣皇帝元年次行書乾隆六十年以次至六十一年歲乾隆元年止頒發各直省憲書仍作二頁首行書嗣皇帝元年次行書乾隆六十年以次至乾隆二年止以符定制○六十年

諭本日皇太子率同王大臣等具奏恭進乾隆六十一年時憲書豫備內廷頒賞之用一摺覽奏具見憫忱朕登極初元仰懇

昊慈臨御至六十年不敢上同

皇祖以次增載之數。因定例。孟冬頒發來年時憲書。特明頒諭旨。建立皇太子。以明歲丙辰為嘉慶元年舉行歸政典禮。此實朕祇迓

天麻敬繩

祖武之念。數十年如一日。屢經降旨明白宣示。茲皇太子及王大臣等以朕歸政改元。為曠古未有之盛典。雖現在頒朔。以嘉慶紀年。而宮庭之內。若亦一體循用新朔。於心實有所未安。特進獻乾隆六十一年時憲書。臚詞籲懇。出於至誠。朕已俯從所請。用備頒賞。內庭皇子皇孫及曾元輩並親近王大臣等。俾得遂

其愛戴之忱。其分頒各直省外藩。仍用嘉慶元年時憲書。以符定制。○嘉慶四年。遵

旨續辦三元甲子萬年書。自嘉慶一百四十一年至二百年。於四年十一月內告竣進呈。○八年

諭著欽天監衙門。於頒行時憲書內。將安南二字。改為越南。永遵正朔。○十四年奉

旨。禮部奏請將新定時憲書。如何發交琉球國祇領之處。敕下福建巡撫詳議章程一摺。琉球久列藩封。極為恭順。惟因地懸海外。不能剋期往來。是以歷年時憲書。均未經頒發。今必責令每年專遣使臣。遠涉重

洋。前來祇領。非所以示體恤。若將時憲書存貯福建。巡撫處遇便發交。則節候已過。頒發徒為具文。轉非覈實之道。所有琉球應領之時憲書。竟可毋庸頒給。即將該國星度節候。詳細推準。增入時憲書內。以垂久遠。該部即遵諭行。○十六年。

諭前據管理欽天監事務定親王綿恩等奏。查得嘉慶十八年癸酉時憲書。係閏八月。是年冬至在十月內。為向來所未有。因復查得十九年三月亦無中氣。可以置閏。應否改為十九年閏二月等語。朕思置閏。自有一定。非可輕言更易。恐該監推步之處。或有舛錯。

因降旨交綿恩等。再行詳細通查。茲據奏稱。溯查康熙十九年五十七年俱閏八月。是年冬至仍在十一月。與

郊祀節氣均相符合。今嘉慶十八年閏八月。冬至在十二月內。則

南郊大祀。不在仲冬之月。而次年上丁上戊。又皆在正月。不在仲春之月。且驚蟄春分。皆在正月。亦覺較早。若改為十九年閏二月。則與一切祭祀節氣。均屬相符。復將以後推算至二百年。其每年節氣以及置閏之月。俱於時憲無訛等語。定時成歲。所以順天行而

釐庶績。

南郊大祀。應在仲冬之月。上丁上戊。應在仲春之月。此外一切時令節氣。皆有常則。今據該監上攷下推。直至二百年之遠。必須改於嘉慶十九年二月置閏。始能前後脗合。實為詳慎無訛。自應照此更正。○道光二十四年定。嗣後每歲恭進。

皇帝前清漢時憲書各一本。繕寫清漢字者各一本。  
蒙古字者一本。清漢字七政書各一本。

皇太后

皇后前清漢字者各一本。蒙古字者一本。清漢

政書各一本。

皇貴妃

貴妃

妃

嬪前清漢字者各一本。○又定親王郡王貝勒貝子公各給清漢字者二本。公主清漢字者二本。均於本日頒給。各衙門滿洲官員各給清字者一本。蒙古官各給蒙古字者一本。漢軍官及漢官各給漢字者一本。滿洲蒙古漢軍俱給該佐領轉給。漢官領與該衙門轉給。○又定朝鮮國

王給紅綾面漢字者一本。民書一百本。每歲九月使臣到京恭領。派監督或司官一員於

頒朔日帶領於

午門祇候。俟王公百官領書行禮畢。引使臣至班末。祇領仍移咨該國王。○又定。越南國王時憲書照朝鮮國請領數目。咨送兵部。由馬遞交廣西巡撫委員齎至鎮南關轉交祇領。○又定。

陵寢官員欽天監移取總數。禮部轉咨

東陵

西陵各承辦事務衙門。造具清冊送部。劄行欽天監給

發。○又定。圍場處官員各派員齋咨赴部行文  
欽天監給發至蒙古等處並各回部由理藩院  
辦理。○又定。

頒朔前期禮部行宗人府轉傳王公吏部傳文職兵  
部傳武職屆日黎明朝服咸集

午門行禮。

進春。○立春前一日順天府官豫設春山寶座  
芒神土牛各案於禮部屆日各官俱朝服生員  
俱頂戴公服自部異案天文生導引。

長安左門

天安門

端門各中門入。至

午門前大興宛平二縣令設案於

午門外正中奉恭進

皇帝

皇后春山寶座。牲神土牛各陳於案。禮部堂官及順天府府尹府丞率屬畢會。欽天監候時官報屆時。生員異案。禮部官前引。禮部堂官順天府府尹暨府丞後隨由。

午門中門入

昭德門至

後左門外止。陳設畢。內監接昇。禮部官前引。禮部堂官及順天府府尹府丞從至。

乾清門各官止立。內監昇入。

乾清宮內務府官恭候。將上次春山等奉出。

謹案乾隆

四十年以前。  
等物由熙和門

永康左門各中門進至。

慈寧門上陳設畢。內監昇入。  
各退。內務府官將上次春山等奉出。咸豐十年。

恭達  
寶座奉

文宗顯皇帝巡幸木蘭。進呈春山  
旨。仍詣乾清門恭進。其春圓隨

內閣  
由

木箱齋赴

行在內閣代送。

直省迎春。設芒神土

牛於東郊。屆日。設案於芒神土牛前。案前布拜

席。府州縣正官率僚屬咸朝服詣東郊時至通  
贊贊行禮。贊跪叩興。衆行一跪三叩禮。執事者  
舉壺爵跪於正官之左。正官受爵酌酒。酌酒三。  
復行三叩禮。衆隨行禮興。乃昇芒神土牛。鼓樂  
前導。各官後從。迎入城。置於公所。各退。○順治  
初年定。每年立春。芒神春牛。由順天府豫備屆  
期。由部會同恭進。前二十日。劄欽天監。選取導  
引之天文生八名。造冊送部。取候時官二人。於  
午門前祗俟。屆期告時。劄順天學政。選取生員七  
十五人。各具頂戴公服。恭昇芒神春牛案。送至

午門外同本部官恭進。又行文內務府於立春日  
豫派內監恭進芒神春牛。俟於

乾清門

慈寧門。又行知步軍統領護軍統領內務府於立春  
日屆時啟。

長安左門

天安門

端門

午門

協和門

永康左門之中門。○又定。凡遇立春時刻。或在暮夜。或在子丑等時。均由部奏明。擇寅卯辰等時恭進。○又定。每歲各省府州縣官。豫造芒神土牛於東郊外。立春日。各官朝服迎春於東郊。陳芒神土牛。設香燭酒果。贊禮生贊排班。贊跪叩興。各官行一跪三叩禮。興。贊跪奠爵。領班官奠酒三爵。贊叩興。各官跪叩如前。興。隸昇芒神土牛。香亭鼓樂前導。各官朝服後隨。回至署。陳於堂前。各官執絲仗環立。土牛兩旁。贊擊鼓樂。工擣鼓。贊鞭春。各官環擊土牛三。以示勸耕之義。

○康熙十三年覆准。直省府州縣迎春於東郊。  
各官拜芒神土牛。止用鼓吹綠亭。具勒令鹽商  
當鋪行戶裝演故事臺閣。排列金珠張鼓樂樹  
旗幟並科派里長提取車馬優伶等項嚴行禁  
止。如有前項糜費並各官藉端派累由督撫科  
道糾參交該部議處。○光緒十六年。

皇帝駐蹕南海進呈春山等物奉  
旨改由西苑門恭進。

欽定大清會典事例卷三百十六

禮部

頒詔

頒詔禮節

頒詔事宜

頒詔禮節。○是日，禮部鴻臚寺官豫設

詔書黃案一於

太和殿內東旁設黃案一於丹陛上正中。鑾儀衛設黃蓋雲盤於丹墀內。禮部官設龍亭香亭於午門外。工部豫設金鳳於

天安門上。

安於天安門樓北口正中。設宣

詔臺於門上東第一間。內閣學士具朝服恭奉

詔書安設於

太和殿內東旁黃案上俟

皇帝御太和殿王公百官行禮後大學士奉

詔書至

太和殿檐下授禮部堂官禮部堂官跪受由中階  
左旁至丹陛正中安設於黃案上行一跪三叩  
禮跪奉

詔書起由中階降禮部司官奉雲盤跪接俟

詔書安置雲盤內舉起鑾儀衛張黃蓋由中路出

太和門百官隨出

詔書至

午門外安設龍亭內行一跪三叩禮鑾儀衛校尉  
昇亭香亭在前龍亭在後樂部和聲署作導迎  
樂

御仗前引禮部堂司官隨至

天安門城樓設香亭

詔書龍亭於正中奉

詔官行一跪三叩禮奉至高臺黃案上龍亭香亭移  
設於

天安門前正中文武百官於金水橋南按翼祇俟

聽鴻臚寺官贊排班贊進文武百官皆排班者  
老領催另為一班俱北嚮立宣

詔官登臺西嚮立鴻臚寺官贊有

詔衆皆跪宣讀官宣滿漢

詔書訖復於案退先宣滿文後宣漢文贊叩興衆行三跪九叩

禮奉

詔官奉

詔書置朵雲內絲繩懸繫由金鳳口中銜下禮部司

官接受仍安設於龍亭內由

大清門出樂部和聲署作樂

御仗前引。至禮部。望

闕列香案。禮部堂官率司員行三跪九叩禮。恭鑄  
詔書頒行天下。

百官成朝服。祇俟於天安門外。金

水橋首餘儀俱同。

詔下直省所經過府州縣五里之內。文武官朝服跪  
迎。軍民伏道右候過省會有司豫於公廨設  
詔案香案案東設臺。

詔及郊備龍亭旗仗出迎使者承

詔書以架。恭奉安置龍亭內。乘馬後隨鼓樂前導。文  
武大僚率所屬官朝服出迎道右跪候過興先

至公廨門外序立。紳士耆老軍民咸集。

詔至門。跪迎如初禮。使者下馬隨龍亭入。衆隨入。使者奉

詔書陳於案。退立案東西面。引禮生引各官就位。通

贊贊跪叩興。衆行三跪九叩禮。贊宣

詔。使者奉

詔授宣

詔官復位立宣

詔官跪接。登臺宣讀訖。復於案退。衆聽贊復行三跪

九叩禮。使者以

詔授督撫。賜黃恭鑄。領學政鹽政織造管閭兩司道  
府轉頒所屬州縣衛將軍提鎮協參轉頒所屬  
營汎至日宣布軍民均與省會議同。

頒詔事宜○順治元年定

頒詔之日設

大駕鹵簿於

午門外設

御座於

皇極門今和門太正中設

詔案於丹陛上東旁王以下文武各官咸集大學士

奏請

御門升座。鳴鞭執事各官行禮畢。鳴贊官贊排班。贊進贊跪。王以下文武各官皆跪。贊

頒詔。大學士自案上奉

詔書於丹陛上東旁立。宣畢。鳴贊官贊行三跪九叩禮興。退復原班立。

賜燕謝

恩禮成。鳴鞭

駕還宮。衆皆退。

詔書賜黃。刊頒天下。○八年定。

頒詔之日設

大駕鹵簿於

太和殿前設黃蓋雲盤於丹墀內設龍亭香亭於

午門外設宣

詔高臺於

天安門外鴻臚寺官設

詔案於

太和殿內之東又設黃案於丹陛上正中王以下  
公以上咸朝服祗俟於

午門內滿漢文武各官咸朝服祇俟於

午門外領催外郎耆老等祇俟於

天安門外內院官奉

詔書至

乾清門用

御寶畢奉至

太和殿內陳案上禮部官引王公等進至丹陛上。

引文武百官入

午門左右掖門至丹墀內各序立禮部堂官奏請

皇帝御禮服

升太和殿鳴鐘鼓作樂鳴鞭王以下各官上表行禮

畢。大學士進殿內案前奉

詔書至

太和殿檐下授禮部尚書。禮部尚書跪受。至丹陛正中陳於案行一跪三叩禮。奉起由中階降設雲盤內。禮部官奉雲盤上覆黃蓋。由中道出。文武各官後隨王公等進殿內序坐。

賜茶畢。鳴鞭。

駕還宮。王公等各退。禮部官至

午門外奉雲盤設龍亭內行一跪三叩禮。校尉昇亭。香亭在前。龍亭往後。前列

御仗導迎樂作至

天安門外橋南。禮部官於龍亭前行一跪三叩禮。  
奉

詔書設高臺黃案上。覆以黃蓋。鴻臚寺官贊排班。贊  
進。衆官各按班次立。贊有

制。衆跪。宣讀官於臺上西面立。先宣滿文。後宣漢文。  
畢。鳴贊官贊各官行三跪九叩禮畢。禮部官奉  
詔書仍設龍亭內校尉昇亭。作樂。由

大清門出。禮部堂官豫由  
長安左門詣部恭候俟。

詔至。率所屬跪迎於儀門甬道之右。司官奉

詔至大堂。陳於黃案。禮部堂官率所屬行三跪九叩

禮興。恭閱

詔書。賜黃鷄刻。頒行天下。○又定。如

駕不御殿。文武百官咸朝服祗俟於

天安門外金水橋前。餘奉

詔宣

詔等儀。與

御殿同。○十一年議准。頒發外國及直省

詔書。均由內院用

寶畢。交與禮部。外藩蒙古遣內院理藩院官各一人。  
朝鮮國遣正副使二人。具題請

旨命往。直省先委行人司。如行人員少。取中書科中  
書。如中書科人數不敷。於內院中書鑒儀衛首  
領官。國子監欽天監上林苑監。四譯館酌量取  
用屬官。具題遣往。○又題准。

詔書所至。地方官具龍亭綵輿儀仗鼓樂。出郭迎接。  
朝使下馬奉

詔書設龍亭中。南嚮。朝使立於亭東。地方官朝服北  
嚮。行三跪九叩禮。鼓樂前導。朝使上馬。於亭後

隨行。至公廨門外。衆官先入。文武分東西序立。  
候龍亭至公庭中。朝使立龍亭之東。西嚮。禮生  
贊排班。樂作。衆行三跪九叩禮。朝使奉

詔授展讀官。以教官為之。展讀官跪受。詣閣讀案前宣讀。

衆官皆跪。宣讀畢。展讀官奉

詔書授朝使。朝使奉設龍亭中。衆官行三跪九叩禮。  
畢。皆退。督撫即賜黃分頒司道府州縣衛所。○

又題准。凡

詔書經過地方。官員軍民人等。咸跪路旁。候

詔過方起。如出使在外官員遇

詔即出迎郊外。至公庭中。禮生先引出使官行三跪九叩禮。後本處官行禮。至開讀時。出使官仍隨班跪聽。一同行禮。○康熙二年題准。凡

詔書經過地方。五里以內府州縣衛文武官咸出城迎送。遠者或

領詔官指名報部。或督撫題參。皆降二級留任。五里以外者。不必迎送。○八年題准。凡

頒詔。漢督撫省分遣漢官。滿督撫省分遣內院禮部筆帖式。○十二年題准。凡

頒詔赦及

恩賜往朝鮮。內大臣散秩大臣侍衛均候。

旨命往。仍將內閣侍讀學士侍讀翰林院侍讀學士侍講學士侍讀侍講禮部郎中員外郎主事。照依職銜為正副使。具題遣往。○二十一年題准。

頒直省滿漢督撫

詔書於內閣中書翰林院筆帖式行人司官內酌委齋送其領行將軍提督等謄黃

詔書並付齋送督撫官員帶往。

詔書用

御寶。朕黃不用。齋

詔官由各衙門揀選。均赴禮部大堂掣籤分遣齎送。

○二十七年題准。頒行直省滿漢督撫。詔書減去內閣中書一人。翰林院筆帖式一人。委禮部筆帖式二人奉

旨。每處著一人去雜派已通行禁止。恐地方官假借頒詔妄行料派。著嚴行禁止。○四十二年覆准各省頒詔官應於起程日起算往返。直隸限十五日。河道總督河南山西二十日。山東二十五日。漕運總督四十五日。江南六十日。江西浙江湖廣陝西七十五日。貴州九十日。福建四川廣東廣西一百

有五日。雲南百二十日。該省督撫即將

詔到日期報部察覈其

頒詔官。如果江湖風阻。疾病耽延。取具經過地方法印結到部。僅有故意遲延違限者。交該部從重議處。○四十八年奉

旨。頒詔官如有糾道行走。及沿途生事擾累驛遞者。著該督撫即行指參。○雍正元年

諭。頒發詔書。禮部筆帖式人少。不足以供各處之用。且必得少知自愛材尚可用者。方可差往。著將各部院筆帖式。令各該堂官與總理事務王大臣。會同揀選。

差往。○十二年。增河南山東河道總督。江南河道總督。

詔書各一道。以後仿此。○乾隆十四年奏准。  
頒詔儀節。應增金鳳朵雲。工部前期設金鳳於  
天安門上正中。設宣

詔臺於門上東第一楹。

詔由

午門奉出。至

天安門上聽

詔百官耆老等分翼排班於金水橋南跪聽。宣

詔官宣讀畢。鴻臚寺官贊行三跪九叩禮奉

詔官將

詔書銜以金鳳。承以朵雲。由

天安門上繫下。禮部官接受設綠亭內。迎出

長安左門。餘如前儀。○十七年定直隸總督齋

詔官一人。附膳黃七道。分頒天津都統直隸提督馬

蘭秦甯天津宣化正定等處總兵官。山東巡撫

兼提督齋

詔官一人。附膳黃三道。分頒青州將軍。登州兗州總

兵官。山西巡撫兼提督齋

詔官一人。附賸黃三道。分領綏遠城將軍。太原大同  
總兵官。河南巡撫兼提督。齋

詔官一人。附賸黃二道。分領南陽。河北總兵官。兩江  
總督。齋

詔官一人。附賸黃八道。分領江蘇安徽巡撫。江甯京  
口將軍。江南提督狼山蘇松壽春等處總兵官。  
漕運總督。江南河道總督。河南山東河道總督。

齋

詔官一人。江西巡撫兼提督。齋

詔官一人。附賸黃二道。分領南贛南昌總兵官。閩浙

總督。齋

詔官一人附賸黃十二道分領福建巡撫福州將軍水師陸路提督金門汀州海壇臺灣福甯漳州南澳建甯等處總兵官浙江巡撫。齋

詔官一人附賸黃八道分領杭州將軍乍浦副都統浙江提督定海黃巖溫州處州衢州等處總兵官湖廣總督。齋

詔官一人附賸黃八道分領湖南湖北巡撫荊州將軍湖廣提督鎮筭宜昌永昌襄陽等處總兵官陝甘總督。齋

詔官一人。附賸黃十五道。分頒陝西。甘肅巡撫西安。  
甯夏涼州將軍。甘肅安西固原提督。西甯延綏。

甯夏肅州涼州。興漢。河州等處總兵官。四川總  
督。齋。

詔官一人。附賸黃六道。分頒成都副都統。四川提督  
川北重慶建昌。松潘等處總兵官。兩廣總督。齋。  
詔官一人。附賸黃九道。分頒廣東巡撫。廣州將軍。廣  
東提督。左翼右翼瓊州。潮州。碣石。高雷等處總  
兵官。廣西巡撫。齋。

詔官一人。附賸黃三道。分頒廣西提督。左江。右江總

兵官。雲貴總督。齋

詔官一人。附賜黃十一道。分頒雲南巡撫。提督開化  
鶴麗臨元永北楚姚永順曲尋昭通普洱等處  
總兵官。貴州巡撫。齋

詔官一人。附賜黃五道。分頒貴州提督安龍古州鎮  
達威甯等處總兵官。○二十四年平定回部。二  
十六年

頒詔由兵部派委筆帖式一員。齋賜黃三十七道。分  
頒伊犁將軍塔爾巴哈台大臣阿克蘇大臣葉  
爾羌大臣和闐大臣喀什噶爾大臣英吉沙爾

大臣。庫車大臣。喀喇沙爾大臣。吐魯番大臣。烏魯木齊都統。古城大臣。巴里坤大臣。哈密大臣。庫爾喀喇烏蘇大臣。定邊將軍。烏里雅蘇台大臣。庫倫大臣。科布多大臣。烏里洋海總管。以後仿此。○是年增設伊犁總兵。烏魯木齊總兵。二十六年以後增設黃各一道。○二十八年裁汰甘肅巡撫。減膳黃一道。三十一年雲南增設騰越總兵。以後增設黃一道。裁汰永北楚姚永順總兵。以後增設黃各一道。○是年直隸裁汰天津都統。以後減膳黃一道。○四十一年增設

成都將軍。以後增膳黃一道。○五十五年奉

旨。安南琉球暹羅三國。亦著照朝鮮之例。一體頒發恩詔。即交該貢使齋回。○嘉慶二十五年九月

諭。前派散秩大臣瑞齡為正使。內閣學士松福為副使。

恭齋

大行皇帝遺詔。頒給朝鮮國。此時尚未起程。著將登極恩詔。即交該正副使一併恭齋前往頒發。俾該國可省兩次供應之煩。○又奏准。

頒詔朝鮮。正副使至朝鮮國境。守土吏治館傳。所經地方。文武官跪接。將及國。該王遣其重臣郊迎。

詔敕至館。恭設龍亭內。王率其國陪臣郊迎。香亭儀仗鼓樂前導。使者乘馬從。國王以下咸跪候過

隨行入國門。使者下馬。從入殿內。龍亭設於殿中。使者立龍亭東西面。儀仗陳階下。樂陳門內。國王北面。率陪臣行三跪九叩禮。使者奉

詔敕。授宣讀官。西面宣讀訖。授使者復於龍亭。使者叩興。國王率陪臣行三跪九叩禮。使者奉

詔敕並

頒賜物件。以次授國王。國王跪受付所司。使者與國王揖讓行禮。國王拜送於大門外。適館及歸。國

王拜送於國門外。○又奏准朝鮮國應頒  
詔書。例派正副使齎送。如遇有該國使臣在京。即奏  
明交該使臣齎回本國。至琉球越南暹羅緬甸  
等國。例不遣官。如現無使臣在京。即交各督撫  
轉發。○道光八年定。

頒詔直隸總督。增天津水師總兵官。賸黃一道。山東  
巡撫。減青州將軍。增青州副都統。曹州總兵官  
賸黃各一道。山西巡撫。增綏遠城副都統。賸黃  
一道。兩江總督。減京口將軍。增京口副都統。江  
甯副都統。徐州總兵官。賸黃各一道。江西巡撫。

減南昌總兵官。增九江總兵官。賸黃各一道。閩  
浙總督。增福州副都統。賸黃一道。浙江巡撫。增  
杭州副都統。賸黃一道。湖廣總督。減永昌襄陽  
總兵官。增荊州副都統。湖北湖南提督永州。綏  
靖鄖陽總兵官。賸黃各一道。陝甘總督。減涼州  
將軍安西提督。興漢總兵官。增甯夏副都統。賸  
黃一道。西安副都統。賸黃二道。涼州副都統。西  
安陝安漢中巴里坤等處總兵官。賸黃各一道。  
兩廣總督。減左翼右翼高雷各總兵官。增廣州  
副都統。賸黃二道。水師提督。陽江南韶連高州

等處總兵官賸黃各一道。雲貴總督減曲尋總  
兵官賸黃一道。貴州巡撫減安龍總兵官增安  
義總兵官賸黃一道。又增江南河道總督齋

詔官一人增漕運總督齋

詔官一人

謹案江南河道總督原共齊詔官一人此次分遞

餘俱如前○十五年

諭向來頒詔俱派中書筆帖式等員齋赴各省嗣後著由驛頒發毋庸派員前往○咸豐十年裁汰江南河道總督以後減賸黃一道○同治十二年定頒詔直隸總督減直隸提督天津水師總兵官增大

名通永總兵官。古北口提督。賸黃各一道。兩江  
總督。增福山。皖南總兵官。江南長江水師各提  
督。淮揚長江水師。瓜州總兵官。賸黃各一道。閩  
浙總督。減金門總兵官。賸黃一道。陝甘總督。減  
甘肅提督。西安總兵官。增烏魯木齊提督。伊犁  
總兵官。喀什噶爾換防總兵官。賸黃各一道。湖  
廣總督。增左翼右翼長江水師。岳州。漢陽各總  
兵官。賸黃各一道。河南巡撫。增歸德總兵官。賸  
黃一道。江西巡撫。增長江水師。湖口總兵官。賸  
黃一道。又兩廣總督。轉發暹羅國。廣西巡撫。轉

發越南國。雲貴總督。轉發緬甸國。閩浙總督。轉發琉球國。

詔書各一道。餘俱同前。○光緒元年

頒詔與同治十二年同。○十年。裁汰阿克蘇大臣。葉爾羌大臣。和闐大臣。喀什噶爾大臣。英吉沙爾大臣。庫車大臣。喀喇沙爾大臣。吐魯番大臣。烏魯木齊都統。古城大臣。巴里坤大臣。哈密大臣。庫爾喀喇烏蘇大臣。以後減膳黃各一道。○十三年定。

頒詔陝甘總督。減烏魯木齊提督喀什噶爾換防總

兵官。增甘肅提督喀什噶爾提督阿克蘇總兵  
官。騰黃各一道。湖廣總督減左翼右翼總兵官。  
騰黃各一道。兩廣總督減陽江總兵官。增北海  
總兵官。騰黃一道。閩浙總督減福建巡撫。騰黃  
一道。浙江巡撫減黃巖總兵官。增海門總兵官。  
騰黃一道。廣西巡撫增柳慶總兵官。騰黃一道。  
又增甘肅新疆巡撫。福建臺灣巡撫。

詔書各一道。餘與光緒元年同。○十五年定。兩次

頒詔直隸總督增北洋海軍提督北洋海軍左翼右  
翼總兵官。騰黃各一道。兩廣總督減南韶連總

兵官增南澳總兵官勝黃各一道。閩浙總督減  
海壇總兵官增臺灣澎湖總兵官勝黃各一道。  
餘與光緒十三年同。○十六年

頒詔與光緒十五年同。